

კთხანარი საზღვაო-სამაშველო

ზასი 50 თმთრო №21 19 - 26 0360სი 2017 წელი ბამილის სამშაბათობით


**ფოთის
საკრებულომ
წინააღმდეგობის
მიუხედავად
შეცვლილი
ბიუჯეტი
დაამტკიცა 33. 3**

**სენაკი
არჩევნებიდან
არჩევნებამდე 33. 3**

**თენგიზ ლომია:
„სენაკში
შეჩერებული
სამუშაოები არ
გვქაქს,, 33. 5**

**ფოთის
სამომხიარო სახლს
დახურვა არათუ
ეშუქრება არამედ
ინვესტორის
ძიებამია 33. 6**

**შენ ჯერ ებ არ
ბინახავს?**



**ამ გვიკოვი ჩვენ
www.msnews.ge**

„აღარ უნდათ, უნესობას ბადაერვიონ...,,

**რატომ ბართულდა ბარევაჭრობის აკრძალვა
ფოთში**



**ივაზა პაჩკორია
ფოთში**

რამდენიმე თვის წინ დაწყებული გარევაჭრობის აკრძალვამ ძალა დაკარგა. განაწყებული გარემო-ვაჭრები თავიდანვე პროგნოზირებდნენ, რომ აკრძალვა დიდხანს არ გასტანდა და მათი პროგნოზი გამართლდა კიდევ. დღეისათვის აგრარულ ბაზარსა თუ მის მიმდებარე ტერიტორიაზე გარევაჭრობა აკრძალვამდე მდგომარეობას დაუბრუნდა და იქ ჩატარებული ღონისძიების კვალიც აღარ ჩანს. აგრარული ბაზრის დირექტორი თუა ბელქანია კი კვლავ ამტკიცებს, რომ ეს მხოლოდ დროებითი მდგომარეობაა და სანაპიროს მოწესრიგების

შემდეგ აკრძალვა ძალაში შევა. ფოთის არქიტექტურისა და ზედამხედველობის სამსახურის უფროსი არწილ მელიქია როგორც ამბობს, მოვაჭრეები მიხევეული არიან უწყესიგობას, თვითნებურად ვაჭრობენ და მაღაზიის საზღვრიდანაც თვითნებურად გადმოვიდნენ: ავაპირებთ, უფრო მკაცრად მივუდგეთ ამ საკითხს, მაგრამ ჯერ ისევ გაფრთხილებას გამოვიყენებთ, მერე კი პოლიციასთან ერთად დავიწყებთ აქტიურ მოქმედებას. რამდენ-ჯერ გააფრთხილეთ, რამდენიმე ოქმიც დაეწერეთ, მაგრამ ჯერჯერობით სასურველ შედეგს ვერ მივალწიეთ. არსებობს ალტერნატიული ადგილები და გარემოვაჭრეები აუცილებლად იქ უნდა გადავიდნენ. ყველაფრის მოგვარება

დასასრული 4-33.

**საერთაშორისო
ტურნირი
კრივში 33. 7**

**ფოთელი
ძიულღოისტების
წარმატება 33. 7**

**ბავშთა ფესტივალი
და 7 ქასა
რბობში 33. 7**

**საბა ხვიჩავე
ბელარისიის
ჩემპიონატში
პირველი ადგილის
მფლობელია 33. 7**

ბამონტეხილი და
ლირეპტორი,
მთავარი რედაქტორი
0684 835401 -
599 341 417;
0684835401
რედაქტორი
03924 პაპორია -
597 97 76 18

კორექტორი:
მაია ჩხეიძე
551 522 429-
კომპიუტერული
გრაფიკა

მარიამ ჯაფარიძე -
579 24 11 22


ქეთი ჩხეიძე
(ფოტო)
598 40 10 23

ივლიტა პაპორია
(ხედი)
568 61 04 41

ბამონტეხილი და
ლირეპტორი
შეიქმნა არ
მთხვევით
რედაქციის
თავმჯდომარის
სტატიის ავტორები
თავად აბაშა პა-
სუხს ინფორმაციის
სიზუსტეზე.
რედაქციაში აქვთ
მასალები ინახება
ორი კვირის
განმავლობაში,
ამ ვალის განვლის
შემდეგ პრინტირ-
ბი არ მიიღება.

ბამონტეხილი და
ლირეპტორი
მასალების
ბალანსირება
რედაქციის
ნებართვის
ბარეში
აპრობირდება.

ერთი ამერიკული
დოლარის ოფიცია-
ლური ღირებულება
2.5311 ლარი გახდა.
ერთი ევროს ბანკის
მიერ გამოქვეყნებუ-
ლი ლარის ოფიცია-
ლური გაცვლითი
კურსის მიხედვით,
ერთი ევრო ვალუტა
დოლართან მიმართ-
ებაში გაუფასურდა.
ხვალდღე, ერთი დო-
ლარის ოფიციალური



ფასი 2.5311 ლარი
გახდება. კურსი, რო-
მელიც დღეს მოქმე-
დებდა, 2.5078 ლარს
შეადგენდა. შესაბამი-
სად, ლარის ოფიცია-
ლური გაცვლითი
კურსის ცვლილებამ
0.0233 ლარი შეად-
გინა.
ერთი ევრო ვალუ-
ტის კურსი ევროს-
თან მიმართება-
შიც გაუფასურდა.
კერძოდ, ხვალდღე
ერთი ევროს შექმნა
2.6825 ლარად იქნება
შესაძლებელი, მაშინ,
როცა დღეს მოქმედი
კურსი 2.6670 ლარს
შეადგენდა. შესაბამი-
სად, ლარის ოფიცია-
ლური გაცვლითი
კურსის ცვლილებამ
ევროსთან მიმარ-
თებაში 0.0155 ლარი
შეადგინა.

ფოთელის მოსაზრებით „მეტი ქალი მმართველობაში და პოლიტიკაში,,

**მარი ჯაფარიძე
ფოთი**

საქართველოში ადამიანის უფლებათა
დაცვის კუთხით ერთ-ერთ სერიოზულ
გამოწვევად ჯერ კიდევ რჩება გენდერულ
თანასწორობის მიღწევა. გენდერულ
თანასწორობაზე საუბრისას უმრავლეს
შემთხვევაში იგულისხმება - მდებარეობი-
თი სქესის პრეობისთვის, მამრობითი სქე-
სის პირებთან შედარებით, უთანასწორო
მდგომარეობა. გენდერული თანასწორო-
ბა, როგორც დემოკრატიული ღირებულებ-
ების შემადგენელი ნაწილი შედარებით
ახალი ფენომენია და შრომატევად სა-
მუშაოს მოითხოვს სათანადო გარემოს
შესაქმნელად.

გენდერული თანასწორობის ფარგლებ-
ში, ქალსა და მამაკაცს უნდა ქონდეს
თანაბარი პირობები და ცხოვრებისეუ-
ლი შანსები თავიანთი პოტენციალის
სრული რეალიზაციისათვის. უნდა მო-
წოდდეს თანაბარი პოლიტიკური,
ეკონომიკური, სოციალური, კულტურე-
ლი განვითარების პროცესებში და თა-
ნაბრად სარგებლობენ საზოგადოებრივი
სიკეთებით, შესაძლებლობებითა და რე-
სურსებით.

ამ მიმართულებით „ჟურნალისტთა ქსე-
ლი გენდერული თანასწორობისთვის“
ინიციატივით ახალი კამპანია დაიწყო,
რომელიც ქალთა პოლიტიკაში მონა-
წილეობის იდეის პოპულარიზაციას და
კაცების მხრიდან ქალი კანდიდატების
მხარდაჭერას ისახავს მიზნად.

„მთავარი თემა სამეგრელოში“ დაინ-
ტერესდა რას ფიქრობენ ფოთელები
ქალისა და მამაკაცის თანასწორობაზე
ოჯახში თუ პოლიტიკაში. ჩვენ გამოე-
კითხეთ თითქმის ყველა ასაკისა და
პროფესიის ადამიანები. უმრავლესობის
თქმით ძლიერი ქალი ყველა სფეროს
სჭირდება და პოლიტიკაშიც გენდერულ
ბალანსი მაინც უნდა იყოს დაცული.
გამოკითხულთაგან იყვნენ ისეთი ქალე-
ბიც, რომლებსაც მათივე სქესი საჭესთან-
აც კი აღიზიანებდათ არა თუ პოლი-
ტიკაში. ზოგისთვისაც კი გენდერული
თანასწორობის მნიშვნელობაც კი გასა-
შვივარი გაგვიხდა.

60 წლის დარეჯანი თვლის: „ადრე
უფრო მოკრძალებულნი იყვნენ ქალები.
ქალი საჭესთან, რომ ზის კაცს ვალდებ-
ულებს ხდის გზა დაუთმობს და ზუსტად
მაგათ გამო ხდება ავარიები. კაცს მეტი
გამოცდილება აქვს და მეტი ჭკუა აქვს.
ქალი უფრო ოჯახში, სამხარელოში
უნდა იყოს“.

20 წლის თიკა მიინჩევს, რომ: „ბალანსი
დაცული უნდა იყოს, როგორც ოჯახში,
ასევე პოლიტიკაშიც. 21 საუკუნეა და
კაცი ვერ ადგამს თავს და ქალი რას
იზამს, თუმცა დღეს კაცებსაც ვერ ვუბრ-
ვინა აშენებული იყო ისიც დაანგრეს.
ქალებიც არიან ჭკვიანები, მაგრამ ქალი
მაინც დაბნეულია“.

ქალებისგან განსხვავებით გამოკითხ-
ულ მამაკაცთა უმრავლესობა ქალთა
აქტიურობას პოლიტიკაში დადებითად ხს-
ნის - „ქალიც შეიძლება იყოს ჭკვიანი“.

„მე ნასწავლი კაცი არ ვარ, მაგრამ ქა-
ლებიც ჭკვიანები არიან და რა მნიშვნე-
ლობა აქვს ქალი იქნება თუ კაცი, მთავარ-
ია შეძლოს საქმის გაძლიერება. ქალებიც
ჭკვიანები არიან“- გვითხრა 65 წლის,
ტაქსის მძღოლმა ვალერი კვარაცხელი-

ამ.
14 წლის ნიკას აზრით: „ქალები უკეთ შეძ-
ლებენ მართვას, ყოველ შემთხვევაში კა-
ცებზე ნაკლებად არ მართავენ. ვხედავთ
კაცები როგორ მართავენ და რატომაც არ
უნდა იყოს მეტი ქალი პოლიტიკაში?“

„რა მნიშვნელობა აქვს ქალს და კაცს, მთა-
ვარი ჭკვიანი იყოს. მსოფლიოს ქალები მარ-
თავენ. ჭკვიანი ქალი ნებისმიერ სამსახურს
ფეხზე დააყენებს“- ასეთია ფოთელი
ცენტრის მენეჯერის გიგლა თურქიას მო-
საზრება.

გამოკითხულთაგან იყვნენ ისეთი ქალბატო-
ნებიც, რომლებიც დღესაც საპასუხისმგებლო
თანამდებობებზე არიან.

ბიბლიოთეკების გაერთიანების უფროსის
ნუნუ ჭელიძის განმარტებით „საქართველო-
ში გენდერული ბალანსი აუცილებელია რო-
გორც პოლიტიკაში ასევე მმართველობაში.
ამიტომ უფრო მეტი ქალი უნდა იყოს მმარ-
ველობაში, ძლიერი მენეჯერი ქალი ყველა
სფეროს სჭირდება. საკრებულოში აუცილებ-
ებელია მეტი ქალი დეპუტატი იყოს, რადგან
ქალის გონებას გაცილებით მეტი შეუძლია
და ამ პოტენციალის გამოყენება მნიშვნელო-
ვანია. ქალები ძალიან ძლიერები და შორს
მჭვრეტელები არიან, ჩემი აზრით ამ მხრივ
რადაც ბალანსი პარლამენტში დაცულია.
როგორც საქართველოს უახლოესმა ისტო-
რიამ დაგვანახა ქალები უფრო ძლიერები
ვართ“.

კულტურის სამსახურის მთავარი სპეცია-
ლისტი კესო კალანდარიშვილი თვლის, რომ
ქალები დაჩაგრულები არიან, რადგან მეტი
ქალი უნდა იყოს მმართველობაში და პო-
ლიტიკაში. თუმცა იქვე განმარტავს „მწელია
ქალი ოჯახში და მალე თანამდებობაზე
ერთდროულად კარგი მმართველი იყოს, მა-
გრამ ქალის სიძლიერიდან გამომდინარე
ამას შეძლებს“.

სკოლამდელი და სკოლის გარეშე აღზრ-
დის დაწესებულებებთან ურთიერთობის
განყოფილების უფროსი ნინო ჯაკონია მა-
მაკაცების როლის დაკნინებაზე საუბრობს:
„კაცის ფუნქციები, რომ დაკნინდა დღეს ეს
ნათლად ჩანს. ქალმა აიღო „ვერხი“, ქალებმა
მოიტანეს დღეს ოჯახი მათი მხრებით. ქა-
ლები არიან გადაცენილები საზღვარგარეთ
სამუშაოდ ოჯახის და შვილების სარჩენად.
კაცები კიდევ სხედან სახლში და ელოდ-
ებიან ქალის გამოგზავნილ ფულს და ზოგ
შემთხვევაში ცოლის მიერ სიმწრით ნაშთ
ფულს სხვა ქალს ახარჯავენ“.

უმრავლესობის აზრით გენდერული თა-
ნასწორობა არ ნიშნავს ქალისა და მამაკა-
ცის იგივეობას, პირიქით - დემოკრატიულ
პლურალისტურ საზოგადოებაში ადამარ-
ბულია, რომ ადამიანებს აქვთ სხვადასხვა
ღირებულებები და მიზნები, სხვადასხვა სა-
ჭიროებები და ცხოვრების წესი. მთავარია
მათი ინტერესები იყოს თანაბრად გათვა-
ლისწინებული ყველა დონეზე, ისინი უნდა
სარგებლობდნენ თანაბარი უფლებებითა და
შესაძლებლობებით და აქონდეთ ერთნაირი
პასუხისმგებლობები და ვალდებულებები.
დღეს სწორედ უფლებებისა და ვალდებულე-
ბების გადანაწილების დეფიციტი გვაქვს.

„როდესაც საქართველოში დაიმსხვრევა
სტერეოტიპი, რომ ქალმა მხოლოდ ოჯახში
შეიძლება უნდა ზარდოს და მამები სტერეო-
ტიპით შემოდიოდნენ ოჯახში, მაშინ შეიძლე-
ბა გენდერზე საუბარი. მაშინ ვისაუბრებთ
როდესაც ოჯახის პასუხისმგებლობას ერთ-
ნაირად გადანაწილებს ქალი და მამაკაცი“-
გვიხსნის სამი შეილის დედა.

ფოთის ნისკვილკომბინატში აფეთქების შედეგად ორი ადამიანი დაზარადა

ფოთის წისქვილკომბინატში აფეთქების შე-
დეგად ორი ადამიანი დაზარდა, დაზარალებუ-
ლებს აღნიშნულად სხეულის დამწვრობა.
დაზარალებული სხეულის დამწვრობით
ქალაქის ცენტრალურ საავადმყოფოში გა-
დაიყვანეს.

აფეთქების სავარაუდო მიზეზად ძრავის
ნაწილის აფეთქება სახელდება. აღნიშნულ
ფაქტზე მიმდინარეობს გამოძიება.

წისქვილკომბინატთან მობილიზებული
გახლდათ სახანძრო-სამაშველო ბრიგადები
და საპატრულო პოლიცია.



ფოთის მერიდან გათავისუფლება თამარ ჭოჭუაშვილი სასამართლო დაპა- რიობა

თამარ ჭოჭუაშვილი მერიადი ჩატარებული საჯარო
მოხელეთა კონკურსის შემდეგ ფოთის მერის
1 მარტის ბრძანების საფუძველზე გაათავი-
სუფლეს. ჭოჭუაშვილი განცხადებით კი სამსახურ-
რიდან მეუღლის პოლიტიკური შეხედულების
გამო დაითხოვეს და აღდგომის ხელისუფ-
ლებას ზეწოლაში ადანაშაულებდა. თამარ
ჭოჭუაშვილი მეუღლე სპორტსმენი ირაკლი ჭანტუ-
რია ნაციონალური პარტიის წევრია.

ფოთის საქალაქო სასამართლომ ბათილად
ცნო ფოთის მერის 1 მარტის ბრძანება თამარ
ჭოჭუაშვილი სამსახურიდან გაათავისუფლების შე-
სახებ და საატესტაციო კომისიას დაევადა
თავიდან მოხდეს კონკურსის შედეგების გა-
დახედვა ერთი თვის ვადაში.

აღნიშნულ საკითხზე ფოთის მერიაში კომენ-
ტარს არ აკეთებენ.

ფოთში საზღვაო-სამაშველო სამსახური მუშაობას უკვე შეუდგა

ფოთში საზღვაო სეზონისთვის შექმნილი სა-
მშველო სამსახური მუშაობას შეუდგა. შესაბამი-
სი ტექნიკით აღჭურვილი 18 კაციანი ჯგუფი
აგვისტოს ბოლომდე მალთაყვის, კუნძულისა და
ნაბადის სანაპირო ზოლზე განაწილდება. ამის
შესახებ ინფორმაციას ფოთის მერია ავრცე-
ლებს.

დღეს მალთაყვის სანაპირო ზოლზე მაშველებს
ქალაქის მერი ირაკლი კაკულია, საკრებულოს
თემჯდომარე ალექსანდრე თოფურია და ააიპ
ტურიზმის განვითარების ცენტრის დირექტორი
მიხეილ კილაშონია შეხვდნენ.

სასწრაფო სამედიცინო სამსახურის წარმო-
მადგენლებმა მაშველებს პირველადი დახმარე-
ბის შესახებ ტრენინგი ჩაუტარეს.

„სამაშველო ჯგუფი სანაპიროზე გადანა-
წილდნენ. ზღვის სანაპირო ზოლი 24 საათის
განმავლობაში გაკონტროლდება. კატერებითა
და სკუტერებით საგანგებო სიტუაციების მართ-
ვის სააგენტო გვემხარება. სწორედ ამ სააგენ-
ტოსთან ერთად ვიმუშავებთ ამ სეზონზე.“ - აღ-
ნიშნა მიხეილ კილაშონია.

ფოთის საზღვაო-სამაშველო სამსახური მუნი-
ციპალიტეტის ფინანსური მხარდაჭერით შეიქმ-
ნა.



ფოთის საკრებულომ წინააღმდეგობის მიუხედავად შეხვედრა ბიუჯეტი დააგვირგაწია

ინება აპაქორია ფოთი

ფოთის საკრებულოს მე-15 რიგგარეშე სხდომაზე მწვავე დებატები გაიმართა, რაც 2017 წლის ბიუჯეტში 15 ცვლილების შეტანამ გამოიწვია. საკრებულოს რამდენიმე წევრის უკმაყოფილებასთან ერთად ქალაქის მერის მუშაობაც გააკრიტიკა. მერიის მიერ ბიუჯეტის პროექტში სხვადასხვა ხარჯის შემცირების შედეგად ანსამბლ „ფაზისის“ ისრაელის საერთაშორისო ფესტივალში გასამგზავრებლად თანხა 25 000 ლარი გამოიყო, ასევე ტურიზმის სამსახურს დაემატა გარკვეული თანხა. წარმოდგენილ საკითხებს „ევროპული საქართველოს“ ორ წევრთან ერთად მმართველი გუნდის წარმომადგენელმა მათა ჩხარტიშვილმაც არ დაუჭირა მხარი.

საკრებულოს წევრების უკმაყოფილება აიპყრის გაერთიანებით მიღებულმა შტატებმაც გამოიწვია. აიპყრის გაერთიანების თავდაპირველი საფუძველი ბიუჯეტის ხარჯების შემცირება, ანუ „ქმრების შემოჭერის“ პოლიტიკა გახლდათ. როგორც აღმოჩნდა, აიპყრის შემოჭერის ნაცვლად, უფრო დიდი „ლიპი“ აღმოჩნდა.

საკრებულოს „ევროპული საქართველოს“ წევრმა ირაკლი დუნდუაძემ შანის არც ამჟამად გაუშვა ხელიდან და სხდომაზე ქალაქის მერის კრიტიკით დაკავდა: „ქალაქის

მერი უნათოა. ადამიანებს ასაქმებს არაკვალიფიციურად. აიპყრის გაერთიანებამდე თუ მუშაობდა 5 ადამიანი, დღეს 10 მუშაობს. გაჭირვებული მოსახლეობის კისერზე გადადის ამ ადამიანების დასაქმება. როდესაც სოციალური ფონი ძალიან დაბალია, ადამიანები წამლის ვაუჩერს ვერ იღებენ, სტაციონალური დახმარების თანხა ათვისებულა და ბიუჯეტში ამ კუთხით თუთი არ დარჩა, ზედმეტი ხარჯების გაწევა დაუშვებელია. ახალგაზრდების ევროპაში წასვლის წინააღმდეგი არ ვარ, მაგრამ ეს არ უნდა ხდებოდეს მაშინ, როცა ქალაქში უამრავი მოუვარებელი პრობლემა დგას“.

ბიუჯეტის ცვლილების წინააღმდეგი აღმოჩნდა და წარდგენილ პროექტს მხარი არ დაუჭირა საკრებულოს უმრავლესობის წევრმა მათა ჩხარტიშვილმა: „ზოგადად, წინააღმდეგი ვარ იმისა, რომ არ არის მკაცრად რეგლამენტირებული პრიორიტეტები. ბიუჯეტის ამ ცვლილებების არც ერთ მუხლს ხმა არ მივცე. რაც შეეხება ანსამბლ „ფაზისის“, აქაც ჩემი პოზიცია მაქვს. ვთვლი, რომ ნებისმიერი ღონისძიება, რომელსაც ბიუჯეტიდან თანხა სჭირდება, უნდა იყოს მიზნობრივი. რატომ უნდა ჩვენ ხელი უნდა გავიტანოთ საზღვარგარეთ, მაგრამ არ ვცხოვრობთ ისეთ ქვეყანაში, სადაც ამის ფუფუნების უფლება გვაქვს, თან, როდესაც ჩვენ 15 000 ლარი გამოვყავით ამ ანსამ-



ბლის ფორმების შესაქმნად ისრაელში ფესტივალზე მონაწილეობის მისაღებად. მაშინ ითქვა, რომ ამ ანსამბლის ხარჯებს დამეგობრებული ქვეყანა, ანუ ისრაელი იხდოდა. დღეს კიდევ 25 000 ლარი გამოიყვანს. არ არის ცოტა თანხა იმ ფონზე, როდესაც გაჭირვებულ მოსახლეობას შეურაცხყოფელ 70 ლარიან წამლის ვაუჩერს ვერ ვუბრუნებთ“. ჩხარტიშვილი ასევე სპორტული აიპის დაფინანსების წინააღმდეგი აღმოჩნდა. თუმცა, უნდა აღინიშნოს, რომ სპორტული სკოლების

გაერთიანების ავტორი სწორედ ჩხარტიშვილი გახლდათ. როგორც საბოლოოდ გაირკვა, ხელმძღვანელობამ გაერთიანების პროექტს „ცოტათი“ გადაუხვია, შტატებიც გაზარდა და შესაბამისად, ბიუჯეტში გაიზარდა: „სპორტული გაერთიანებისათვის 40 000 ლარის გადარიცხვის წინააღმდეგი ვარ. სპორტის სამინისტროც კი, რომელსაც საკმაოდ მდიდარი ბიუჯეტი აქვს, ყველა ღონისძიებას მკაცრად აკონტროლებს. შეიძლება სხვაზე მეტად მესმოდეს, ჯანსაღი ცხოვრების წესი

ბავშვებისათვის რას ნიშნავს, მაგრამ სპორტის გაერთიანება შეიქმნა ფორსირებულად, არავისთვის უკითხავთ რწევა. აიპყრის გაერთიანების იდეა ჩემი იყო და ვამბობდი, რომ აიპყრის აუცილებლად უნდა მოექცნენ ერთი ქოლგის ქვეშ. მაგრამ ახალი მონსტრი შექმნეს, როცა შეიძლება ამათი დაქვემდებარება სპორტის სამსახურთან, მაქსიმუმ სამი შტატით. დღეისათვის ქალაქში სპორტს ორი სხვადასხვა ერთეული კურირებს, რას ნიშნავს ეს? ვერ

დასასრული 4- 33.

სენაკი არჩევნებიდან არჩევნებამდე

ინება გვასალია სენაკი

ცოტაოდენი დრო რჩება ადგილობრივი თვითმმართველობის მორიგ არჩევნებამდე. ამდენად, უპრიანია, ხალხის რჩეულთა საქმიანობის შეფასება. რა დაპირებები გასცეს მათ და რისი შესრულება მოახერხეს არჩევნებიდან არჩევნებამდე? ამის გასაგებად სენაკის მუნიციპალიტეტის საკრებულოს ვეწვიეთ.

სოფელ ზანის მაჟორიტარი ზურაბ აფაქიძე დამოუკიდებელი კანდიდატი გახლდათ 2014 წელს, ამჟამად „ქართული ოცნების“ წევრია და საკრებულოში ფრაქცია „სენაკელების“ თავმჯდომარეცაა. იგი უკვე მეორედ აირჩია სოფელმა თავის წარმომადგენლად.

ზურაბ აფაქიძეს კონკრეტულად თავისი წინასაარჩევნო პროგრამის შესრულების „ანგარიში“ ვთხოვეთ. იგი წინასაარჩევნო ზანის მოსახლეობას პირდაპირ და ინფრასტრუქტურული პროექტების განხორციელებას, კერძოდ: გზების მოხრეშვა-მოვრეიდერებასა და ასფალტირებას, მოსაცდელებს, სტადიონს. როგორც დეპუტატი ამბობს, მან დაპირებების უმრავლესი ნაწილი შეასრულა.

ზურაბ აფაქიძე თავისი საარჩევნო პერიოდის ყველაზე წარმატებულ პროექტად 2 კილომეტრნახევარზე მეტი ასფალტირებული გზის გაკეთებას მიიჩნევს სოფელ ზანაში ეწერის მიმართულებით, რომელსაც საუკუნის

პროექტს უწოდებს. გადავწყვიტეთ აფაქიძის მიერ ნახსენები საუკუნის პროექტი ადგილზევე გვეჩახა და თავად მოსახლეობას გავსაუბრებოდით. სოფლის ცენტრში შეკრებილბმა როგორც აგვისნეს ეწერის მიმართულებით იმდენად საშინელი გზა იყო, მოსახლეობას სიარული უჭირდა. მას „მოუსავლეთსაც“ კი ეძახდნენ მწარე ხუმრობით. განსაკუთრებით კი იტანჯებოდნენ ბავშვები, რომლებსაც სკოლამდე მისასვლელად 7-8 კილომეტრის ფეხით გავლა ოღრო-ჩოდრო ტალახიან გზაზე უწევდათ. ამჟამად ეს პრობლემა მოგვარებულია.

სოფლის მოსახლეობა გაკეთებულით კმაყოფილი აღმოჩნდა. ჩვენს მიერ გამოყოფილთა უმრავლესობამ დადებითად დაახასიათა სოფელში განხორციელებული მნიშვნელოვანი ინფრასტრუქტურული პროექტები. განსაკუთრებით, მადლიერი გახლდათ ეწერის მიმართულებით გზაზე მცხოვრები მოსახლეობა, რომელსაც, ბოლოსდაბოლოს, ედროსა ნორმალური გზა 21-ე საუკუნეში. თუმცა, ზანელს არც შეუსრულებელი დაპირებები და მასთან დაკავშირებული კრიტიკა დავიწყებიათ. მათი თქმით დაპირების მიუხედავად სოფელში არ გაკეთებულა რამდენიმე სტადიონი, შიდა ქუჩები. ასევე არ დაკლავულა საწვავისა და ელექტროენერჯის საფასური.

ჩვენ დეპუტატს დაპირებების შეუსრულებლობის მიზეზი ვკითხეთ. მან ეს მცირე ფინანსებითა და დეპუტატო-



სოფელი ზანა ეწერის უახინ

ბის ვადის დასრულების მოახლოებით ასხნა, მაგრამ იქვე დაამატა, რომ შეუსრულებული საქმეების დამთავრებას მესამე ვადით არჩევის შემთხვევაში აპირებს.

აფაქიძემ ჩვენთან საუბარში გულახდილად აღიარა, რომ გაცემული დაპირებების შესრულება არც ისე ადვილია, როგორც ეს ერთი შეხედვით შეიძლება ჩანდეს, მაგრამ როგორც ამბობს, არც მონდობება დაუკლია და არც კეთების სურვილი განუღებია. როგორც დეპუტატი ამტკიცებს, გაცემული წინასაარჩევნო დაპირებების 80% შეასრუ-

ლა. მან ხატონად ისაუბრა სენაკში მისი გუნდის მიერ გაკეთებულ საქმეებზე და საუბარში ხშირად ურთავდა - თავადაც ხომ ხედავთო: „გასულ წელს ქალაქში 16 ქუჩა მოასფალტდა, მიმდინარე წელს კი - 17. ასფალტის საფარი დავაგეთ რამდენიმე სოფელშიც. აქამდე სოფლებში არაფერი კეთდებოდა, გამოყოფილი ფული „სადღაც“ მიდიოდა. ამჟამად კი დანიშნულებისამებრ, სოფლის საჭირობოროტო საქმეების მოსაგვარებლად იხარჯება. რაც მოსახლეობას სჭირდება, სწორედ იმის გაკეთებაზე

ვართ ორიენტირებულნი“. ზანის დეპუტატმა როგორც ვგითხრა, მუნიციპალიტეტის მოსახლეობა ხშირად მიმართავს საკრებულოს დახმარების მოგვარების მიზნით: „მოსახლეობა მოდის ფრაქციისა თუ კომისიების თავმჯდომარეებთან, მათთან ერთად განვიხილავთ პრობლემებს და ამის მიხედვით მათთან ერთადვე ვაგვარებთ“. პარტია „ქართული ოცნების“ მიერ გაცემული წინასაარჩევნო დაპირებები შევასხენეთ ქალაქის მაჟორიტარ დეპუტატს

დასასრული 4-33.

„აღარ უნდათ, უნესობას გადაეჩვიონ...“ რატომ გართულდა გარეგანობის აკრძალვა ფოთში

დასაწყისი პირველ გვერდზე
 შეიძლება მშვიდობიანად და ყველასათვის მომგებიანად, მაგრამ მიწვეულები არიან ამ უმსგავსობას და აღარ უნდათ უწესობას გადაეჩვიონ. ადგილობრივ ხელისუფლებასა და შპს „ლუკას“ შორის გაფორმებული მემორანდუმის შემდეგ ჩატარებულ სანქციებს გარემოვაჭრების უკმაყოფილება-უნდობლობა მოყვა. მათი მტკიცებით, გარეგანობა არაერთხელ აიკრძალა, მაგრამ დროის შემდეგ ისევ დაუშვეს. მედიკოსი ამასაც აქვს პასუხი: „გარემოვაჭრებს კეტს სომ ვერ ჩავარტყამთ თავში და რა გქნათ? ჯერ გაფრთხილება, მერე ჯარიმებიც იქნება. გარეგანობასთან დაკავშირებით ჯარიმებს წერს პოლიცია ადმინისტრაციულ სამართალდარღვევათა კოდექსის შესაბამისად. პირველი ჯარიმა 30-50 ლარამდეა, შემდეგ ზომები მკაცრდება. დახლების უნებართვოდ განთავსებაზე კი ადმინისტრაციული სამართლის დარღვევათა კოდექსის შესაბამისად, ზედამხედველობის სამსახური წერს ჯარიმას, რაც 500 ლარს შეადგენს. საქმე ის გახლავთ, რომ 500 ლარიანი ჯარიმის დაკისრება ამ კატეგორიის ადამიანებისათვის ძალიან მიძობა. მიუხედავად ამისა, უკან მოვაჭრეზე ამ თანხის დაკისრების შემთხვევაც

გვექონდა, თუმცა ამანაც არ (ვერ) გამოიღო შედეგი. ყველა მაღაზიას აქვს საწყოები, მათთან რომ მივდივართ, გვეუბნებიან - გარეგანობას მიხედეთ და მერე შევიწვევით მაღაზიაში. მუდმივად ერთმანეთისაკენ იშვებენ თითხ. თითქოს ყველას თავისებურად მართალია. ზოგადად, ძალიან რთული სიტუაციაა და არ აღმოჩნდა ასე ადვილად მოსაგვარებელი, მაგრამ დამეთანხმებით, რომ აუცილებლად მოსაგვარებელია“.

მელიქიას თქმითვე, გარეგანობის პირობებში დარღვეულია და არ გახლავთ დაცული უსაფრთხოების, თუნდაც სახანძრო უსაფრთხოების ნორმები: „ტრაგედიის შემთხვევაში, ყველაფრის მიუხედავად, ჩვენ დაგვადანაშაულებენ. დღეს თუ გამოდის და ლუკმა-პურს მართმევო - მეუბნება, რამე რომ მოხდეს, პირიქით, ტრაგედიის მიზეზად ჩვენ დაგვასახელებს. არავის ვართმევ ლუკმა-პურს, უბრალოდ კანონი ყველამ უნდა დაიცვას. თანაც, იქ საშინელი ანტისანიტარია“.

ჩატარებული ინფრასტრუქტურული სამუშაოების მიუხედავად, დღეისათვის ბაზარში არ შეიმჩნევა, რომ გარეგანობის წინააღმდეგ რამე ზომა გატარდა. ვაჭრები ისევ ისე ზიან ქუჩაში და საკვების პროდუქტი ქუჩის დახლებზე ანაც პირდაპირ ქუჩაში დადებული პარკიდან იყიდება“.



რატომ ხერგავდნენ ცენტრალურ გზას მაღაზიის მეპატრონეები? ჩვენთან საუბარს ყველამ თავი აარიდა იმის მომზეზებით, რომ ისინი მხოლოდ გამყიდველები არიან. გარემოვაჭრები კი ვაჭრობის აკრძალვას კვლავ აპროტესტებენ და ადგილობრივ ხელისუფლებას ჯერ მოსახლეობისათვის ელემენტარული პირობების შექმნას, მხოლოდ ამის შემდეგ სილაბაზე ზრუნვას ურჩევენ. მაღაზიებში მოვაჭრეთაგან განსხვავებით, მათ შეკითხვებს უპასუხეს, თუმცა ვინაობის გამხელა მაინც არავინ ისურვებ. „ჯერ სამუშაო ადგილები მოიძიონ და ბაზრის დალაგებაზე მერე

იფიქრონ. ერთადერთი სამუშაო ადგილი ქალაქში, სადაც ლუკმა პურის შოვნა ჯერ კიდევ შეიძლება, ბაზარია და იქიდანაც რომ გვერიან, სად წავიდეთ? რამდენიმე თვის წინაც აგვეარეს, მეც შევედი შიგნით, მაგრამ ვერაფერი ვივაჭრე და სხვებმა ისევ გარეთ რომ დაიწყო ვაჭრობა, მეც გარეთ გამოვედი. მშვიერ კაცს სილაბაზე ვერ გააძღვებ“ - გვითხრა ერთ-ერთმა გარემოვაჭრემ. ნახი ქებურია როგორც ამბობს, სახლში სამი შვილიშვილი ყავს და მის ხელს შეყურებენ, შვილი კი დაღუპული ყოლია: „მაინტერესებს, ადგილობრივ მთავრობას ყველაფერი დალაგებული აქვს და მარტო გარეგანობის

აკრძალვად დარჩა მოსაგვარებელი? რომ მეუბნებით, ბაზრის შიგნით ხომ გაძღვევ ალტერნატიულ ფართოსო, ვიყავი შიგნითაც, მაგრამ ვიდექი მთელი დღეები ტყუილად, ვერაფერი ვივაჭრე. იქ მდგომთ უკვე ყავთ თავიანთი კლიენტები და ჩემთან არც არავინ მოსულა“.

მელიქიას თქმისა არ იყოს, ორივე მხარეს - მოვაჭრეებსაც და ბაზრის დირექციასაც თავიანთი სიმართლე აქვთ, მაგრამ ისიც ფაქტია, რომ საკვები პროდუქტი ღია ცის ქვეშ არაპიგიურ პირობებში გაყიდვის მიუხედავად, მყიდველები ჯიუტად ბაზარში შიგნით შესვლას გარეთ ყიდვას ამჯობინებენ (?).

სენაკი არჩევნებიდან არჩევნებამდე

დასაწყისი მე-3 გვ.
 ავთანდილ ფოცხვერაიასაც, რომელმაც ქალაქში უკვე განხორციელებულ ინფრასტრუქტურულ პროექტებზე ისაუბრა. კერძოდ, როგორც მან აღნიშნა, დაპირებისამებრ გზების გარდა გაკეთდა სანიაღვრე არხები, მოწესრიგდა წყალმომარაგების სისტემა, რაც შეეხება დასაქმებას, გაკეთდა რამდენიმე მცირე საწარმო. ასევე განხორციელდა რამდენიმე სოციალური პროგრამაც.

ჩვენ ასევე შევეხეთ ქართული ოცნების მთავარ დაპირებათაგან ერთ-ერთს - ენერგომატარებლებზე ფასის დაწვევის დაპირებას, რომელიც პირიქით, გაძვირდა ამ ხნის განმავლობაში. დეპუტატმა გულახდილად აღიარა, რომ ყველა დაპირების შესრულება შეუძლებელია

და უამრავი დაპირება მისმა გუნდმა პირნათლად შეასრულა. ჩვენ გადავწყვიტეთ მისი სიტყვები მოსახლეობაში გადაგვემოწმებინა და რამდენიმე მოქალაქეს გავესაუბრეთ: ნაირა ესაკია 46 წლის: „სიმართლე გითხრათ, ამ გუნდისგან უფრო მეტს მოველოდი მოსახლეობის სოციალური მდგომარეობის გაუმჯობესების თვალსაზრისით, მაგრამ ვერ ვიტყვი რომ არაფერი გაკეთებულა“.

ანზორი ტაბაღა 25 წლის: „უნივერსიტეტი საკმაოდ წარმატებულად დაგამთავრე მაგრამ სამსახური არ მაქვს და ეს ერთ ერთ მთავარ პრობლემად მიმჩნია. ჩემს მდგომარეობაში ბევრი ახალგაზრდაა. ხუმრობით ვიტყვოდი - ახვალტი ვჯამოთ? რა თქმა უნდა რაც გაკეთდა, მისასაღებელია, მაგრამ დასაქმება ერთ-ერთი მთავარი პრიორი-

ტეტი უნდა გახდეს“.

ვაჟა ბალათურია 67 წლის: „ყველაფერი მომწონს, რაც გაკეთდა, მაგრამ მოსახლეობის სოციალური მდგომარეობა უცვლელია ან პირიქით, ხშირ შემთხვევაში გაუარესდა. ჩვენი მოქალაქეები საზღვარგარეთ გადაიხვეწნენ ლუკმა პურის ფულისათვის. ეს მიუღებელია ჩემთვის“.

ნახი ხაფავა 61 წლის: „პენსიაში გავედი და მიხარია, რომ ორიოდე გროში მაინც მაქვს ამ მთავრობის ხელში. ეს პენსია მიხერულია, მაგრამ ახალგაზრდებს ვჯობივართ, იმათ სულ არ აქვთ შემოსავალი. ამაზე უნდა იზრუნოს მთავრობამ და არა საკუთარი ჯიბეების გასქელებაზე. ჩვენ ელემენტარული პირობები არ გვაქვს და ისინი კიდევ პრემიების თვალს ვერ აუღიან“.

ფოთის საკრებულომ წინააღმდეგობის მიუხედავად შეხვედრილი ბიუჯეტი დაამტკიცა

დასაწყისი მე-3 გვ.



გაეხდები ბიუჯეტის ფლანგვის მონაწილე“ - კატეგორიული გახლდათ ჩხარტიშვილი. მას მიანია, რომ აუცილებელია ყველამ იცოდეს, სად მიდის ეს თანხები. ჩხარტიშვილმა ტურიზმის სამსახურის მამულებების დასაფინანსებლად 23 000 ლარის დამატებასაც არ დაუჭირა მხარი და აქაც შტატების სიმრავლეს გაუსვა ხაზი: „შეიძლება დამაბრალონ, რომ მე მამულების წინააღმდეგი ვარ, შარშან დიდი აურხაური მქონდა, რატომ არ გვეავს მამულები-მეთქი, მაგრამ ტურიზმის აიპი ძალიან გაბერილია და დიდი სახელფასო ფონდი აქვს. თავიდან ითქვას, რომ მამულების ფული შევიდოდა ტურიზმის სამსახურის ბიუჯეტში. დღეს კი ცალკე დასამატებელი ხდება თანხები. არ შეიძლება ამხელა თანხა და შტატები ქონდეს ტურიზმის სამსახურს

ფოთში, თან არც ერთი კვალი-ფიციური სპეციალისტი ტურიზმის განხრით არ მუშაობს. შტატები ისე იზრდება, უკვე არც ციცი, რამდენი თანამშრომელი ყავთ“- აცხადებს ჩხარტიშვილი.

საკრებულოს დამოუკიდებელმა წევრმა ოთარ ხარჩილაძემ ქალაქის მერის საქმიანობა დაიწუნა და მას გადადგომისკენაც კი მოუწოდა: „ჩვენი ქალაქის მერი მაგალითია, როგორ არ უნდა იყოს მერი. მოსახლეობას ერთი სული აქვს, როდის გავა მისი მმართველობის ეს 4 წლიანი „შავი პერიოდი“. მის ადგილას მე თანამდებობას დავტოვებდი და მასაც მოვუწოდებ, ასე მოიქცეს“.

ბიუჯეტის ცვლილებების პროექტი საკრებულოს რამდენიმე წევრის თავამოდებული წინააღმდეგობის მიუხედავად, მაინც დამტკიცდა.



სოფელი ზანა

ფოთის სამშობიარო სახლს დახურვა პრაქტიკა პრაქტიკა ინვესტიციის ძიებაში

ივანე პაპიაშვილი ფოთი

ჯანდაცვის სამინისტროს გადაწყვეტილებით, სამშობიარო სახლები, რომლებიც ვერ დააკმაყოფილებენ მათ მიმართ წაყენებულ მოთხოვნებს, ფუნქციონირებას ვეღარ შეძლებენ. რამდენიმე ქალაქში უკვე დაიხურა სამშობიარო სახლები, მათ შორის სენაკშიც. გაერო-სამშობიარო სახლი, რომელიც ფოთის სამშობიარო სახლის მდგომარეობაშია, ფუნქციონირებისათვის საჭირო სტანდარტებს და დაიხურებოდა, არ გამართლდა.

ფოთის სამშობიარო სახლი 83 წელია ფუნქციონირებს, თუმცა ბოლო წლებში იგი სავალალო მდგომარეობაში იყო. მედპერსონალი ამას სამშობიარო სახლის თავდაპირველ მმართველებსა და ზოგ ექიმს შორის არსებულ უთანხმოებას უკავშირებს. გასულ წელს ფოთში ჩამოსული ჯანდაცვის მინისტრის უკმაყოფილება გამოიწვია ფოთის სამშობიარო სახლის მდგომარეობა. სამშობიარო სახლის იმპაინდელმა დირექტორმა რუსუდან დიასამიძემ სამშობიარო სახლის მოსაწესრიგებლად დრო ითხოვა. კერძო კომპანიების დახმარებით სამშობიარო სახლის მდგომარეობა რამდენიმე თვეში მართლაც გამოსწორდა და დღეისათვის, ჯანდაცვის სამინისტროს გადაწყვეტილებით, ფოთის გაერთიანებულ სამშობიარო სახლს "A" კატეგორია მიენიჭა. დაწესებულებას ჩაუტარდა სარემონტო სამუშაოები, განახლდა ტექნიკა, მოწესრიგდა პალატები,

სველი წერტილები, გაკეთდა ინდივიდუალური სამშობიარო ბლოკი, განახლდა ახალშობილთა ინტენსიური მოვლის პალატა, გაყვანილ იქნა ცენტრალიზირებული უანგბადის მიწოდება. მისაღებად განთავსდა ეკრანი, სადაც მამებსა და ოჯახის სხვა წევრებს ახალშობილის ნახვა შეუძლიათ.

სამშობიარო სახლის დირექტორ ნანი მორგოშვილს განმარტებით: „სამედიცინო სამსახურის გაუმჯობესების მიზნით ჩატარებული რეორგანიზაციის პროგრამა 2015 წელს დაიწყო და 2018 წელს მთავრდება. პროგრამა ითვალისწინებს მატერიალურ-ტექნიკური აღჭურვილობების მიხედვით მომსახურების დონის განსაზღვრას. ამ პროექტის ფარგლებში ჩვენ შევქმენით "A" დონის მიღება. გამოცხადებული იყო - წელიწადში 500-ზე ნაკლები მშობიარე ეყოლება, ის სამშობიარო დაიხურებაო, მაგრამ, რადგანაც ქალაქში "A" დონის ერთი სამშობიარო სახლი გვაქვს, ჩვენ ფუნქციონირებას ვაგრძელებთ. ჩატარებული რემონტის შემდეგ სრულად ვაკმაყოფილებთ სტანდარტებს. რაც შეეხება კადრებს, შესანიშნავი ექიმები და მედპერსონალი გვყავს. როდესაც შესაძლებელია ჩამოვიდნენ, აღფრთოვანებულები დარჩნენ, ასე მოკლე დროში, რომ მოვავარაუდო არსებულ პრობლემას. ახლა ჩვენ „B“ დონის მოსანიჭებლად ვიბრძვით. ამის მისაღწევად

კი სხვადასხვა წერილმან საქმესთან ერთად, აუცილებელი პირობაა ვენტილაციის გაკეთება, რომელიც საკმაოდ ძვირი ჯდება“. ნანი მორგოშვილი სამშობიარო სახლს მართავს თვეს ხელმძღვანელობს. ფოთის მოსახლეობის ძირითადი ნაწილი ქალაქ გარეთ მშობიარობას არჩევს. დაინტერესდით რა არის ამის მიზეზი და რა პროექტებს განხორციელებს სამშობიარო სახლის ახალი დირექტორი პაციენტების მოსახიდავად. „ეს პრობლემა სათავეს ჯერ კიდევ იმ დროიდან იღებს, როცა ქალთა კონსულტაციის კაბინეტები გაიხსნა და ფოთელი ექიმები თავიანთ პაციენტებს სხვადასხვა ქალაქში აგზავნიდნენ. ადრე სენაკიდან და რეგიონებიდან ჩვენთან ჩამოდიოდნენ, ახლა პირიქით ხდება“ - გვითხრა მორგოშვილი.

სამშობიარო სახლში იყო მშობიარეთა სიკვდილიანობის შემთხვევები, რამაც ქალაქის მოსახლეობაში ნდობა დაუკარგა სამშობიარო სახლს. მორგოშვილს როგორც განმარტა: „მსგავსი შემთხვევა ყველგან შეიძლება მოხდეს. გუთანხმებით, ეს ძალიან დიდი ტრაგედიაა. ცოტა ხნის წინ სენაკის სამშობიაროშიც დედა-შვილის მდგომარეობა გართულებულა და ჩვილი გარდაცვლილა. დღეს ბაზარში გავიგონე საუბარი, თითქოს ფოთში მომხდარა ეს ამბავი. ვისთანაც სხვა ქალაქებიდან დადიოდნენ წლების წინ, ის ექიმები დღესაც მუშაობენ. მერწმუნეთ, უდი-



დესი ცოდნა და გამოცდილება გააჩნიათ და არავისზე ნაკლები არ არიან ჩვენი ექიმები, მაგრამ ყველანაირ უბედურებას რატომღაც, მაინც ჩვენ გვაწევრენ. პროფესიონალიზმთან ერთად აუცილებელია სამშობიარო სახლი მთლიანად ესტეტიკურადც ლამაზად გამოიყურებოდეს და თანამედროვე ტექნიკა გააჩნდეს. მართალია, ჩვენ სამშობიარო სახლის ნაწილი გავაკეთეთ, გეისამოვინებთ შემოსვლა, მაგრამ მოგეხსენებათ, შენობა საკმაოდ დიდია, ესაჭიროება გადახურვა, ფასადისა და ფიფის მოწესრიგება“.

ჯანდაცვის მინისტრის ფოთის სამშობიარო სახლში სტუმრობის შემდეგ, მან ყოფილ დირექტორს ურჩია პროექტებისა და გრანტების მოძიება, ინვესტიციის შემოყვანა, რაიმე სახის ღონისძიების ჩატარება სამშობიარო სახლის გადასარჩენად. მორგოშვილს თქმით, ამ საკითხზეც

თენგიზ ლომია: „სენაკში შეჩერებული სამუშაოები არ გვაქვს,“

ივანე პაპიაშვილი ფოთი

„მთავარი თემა სამეგრელოში“ სენაკის მუნიციპალიტეტს სტუმრობდა და იქ მიმდინარე ინფრასტრუქტურულ სამუშაოებს გაეცნო. სენაკის გამგებლის მოადგილე თენგიზ ლომიამ სიამაყით გამოგვიცხადა, რომ ქალაქში არცერთი შეჩერებული სამუშაო არ აქვთ და ტენდერის პირობებსაც სათანადოდ ეცნობიან. ინფრასტრუქტურული სამუშაოებისათვის სენაკში 3 584 000 ლარია გამოყოფილი - 38% ადგილობრივი ბიუჯეტის თანადაფინანსება გახლავთ, ხოლო 62% რეგიონალური განვითარების პროექტები-

დან ფინანსდება. როგორც სენაკის გამგებლის მოადგილე გვითხრა: „ადრე თანადაფინანსების თანხა მხოლოდ 5% იყო. ჩვენ, ძირითადად, ტრანსფერებზე ვართ, ჩვენი შემოსავალი სულ 2 მილიონია. „ქამრების შემოჭერის“ პროგრამის ფარგლებში გამოვათავისუფლეთ 1 000 500 ლარი, რაც მთლიანად ინფრასტრუქტურული პროექტების თანადაფინანსებაში წავიდა. ჯერ კიდევ ბევრი გვაქვს გასაკეთებელი. ქალაქის ცენტრში, კინოს წინ მდებარე მოედანს უკეთდება რეაბილიტაცია. სამჯერ გამოვაცხადეთ ტენდერი და სამივეჯერ დისკვალიფიკაცია მივეციოთ მონაწი-

ლეებს, რადგან არ აკმაყოფილებდა ჩვენს მოთხოვნებს არც ერთი. ამ საქმეს ძალიან კრიტიკულად ვუდგებით. მე-4 გამარჯვებულმა დააკმაყოფილა ჩვენი მოთხოვნები. ამავდროს გამოცდილებაც შესაბამისი აღმოაჩნდა. ინფრასტრუქტურული სამუშაოების ღირებულება 2 200 000 ლარი გახლდათ, მაგრამ კონკურსის შედეგად ეკონომია მივიღეთ“. როგორც წესია, ტენდერის დროს ყურადღება ექცევა დაბალ ფასს, თუმცა, სენაკის შემთხვევაში ლომიას მტკიცებით სამშენებლო კომპანია სანამ სამხარაულის დასკვნას არ მოიტანს, რომ მას რეალურად შეუძლია ამ ფასად სამუშაოს შესრულება, ტენდერში გამარჯვებულად არ აცხადებენ. მაგალითად შპს „არქეოპოლისის“, რომელიც გზების სარეაბილიტაციო სამუშაოებს ატარებს, თავისი კარიერი აქვს და უფრო იაფი უჯდება ნედლეული. ლომიას განმარტებით: „ტენდერი იმიტომ, რომ სამუშაოები ნაკლები დაუჯდეს სახელმწიფოს, მაგრამ ტენდერში მონაწილე კომპანიამ ფასი თუ დააგლო, ეს იმას არ ნიშნავს, ხარისხსაც დაუწიოს. ამის საშუალებას ჩვენ არ ვაძლევთ. გეპონდა შემთხვევა, როდესაც 30 მეტრიანი დასხმული კედელი დავანგრევიეთ, რადგან არ მოგვეწონა. სენაკში შეჩერებული სამუშაოები არ გვაქვს. როდესაც თათბირს ვესწრებით ზუგდიდში, სწანს, რომ მსგავსი პრობლემა ძალიან ბევრ ქალაქს აქვს. ჩვენ მსგავსი პრობლემა არ



გვქონია და არც გვექნება, იქიდან გამომდინარე, რომ თავიდანვე ვსწავლობთ კომპანიის საქმიანობას, ვგებულობთ პირამიდაზე მომუშაობის რეალურად საქმის მკეთებელი. გვირჩევენია, თავიდანვე იყოს ყველაფერი გარკვეული. მაგალითად, ერთ-ერთ ტენდერში გამარჯვებულ კომპანიაზე ვიცოდით, რომ დაიწყებდა სამუშაოებს, აიღებდა და მეტი სამუშაოებს მიატოვებდა, ამიტომ, როდესაც გარკვეული სამუშაოები ჩაატარა და შუალედური, მთლიანი თანხის 20% უნდა აეღო, სანამ ნახევარი სამუშაო არ შეასრულა, ჩვენ ის 20 პროცენტი არ მივეციოთ. ასეთ შემთხვევაში, უფრო ყურადღებით უნდა იყო და დაცულიც მეტად ხარ“.

მიმდინარე წელს სენაკში პრიორიტეტული გზების სარეაბილიტაციო სამუშაოები გახლავთ. როგორც ბატონმა ლომიამ გვითხრა, 2017 წელს სენაკში 16 შიდაქუჩას სარეაბილიტაციო სამუშაოები ჩაუტარდება, ასევე კაპიტალურად შეკეთდება ქალაქის ცენტრალურ ნაწილში არსებული ასფალტირებული გზები. ასფალტის საფარი დაიგო 5 სოფლის - ნოსირის, თეკლათის, ეკისა და ზანის თემში, ასევე დიგო ზანა ექვრის გზა. გამგებლის მოადგილის თქმით, გზები და ქუჩები მოსახლეობის მოთხოვნითა და გზების მდგომარეობის მიხედვით შეირჩა. მოსახლეობის ეჭვი იმაზე, თითქოს სოფელ მენჯეში სოფლის სასაფლაომდე მისასვლელი გზის ასფალტირების პროექტი ერთ-ერთი მოსახლის მოთხოვნით შეცვალეს, მერის მოადგილემ კატეგორიულად უარყო: „პროექტის შეცვლა როგორ შეიძლება? ეს წარმოუდგენელია“ - გვიპასუხა



თენგიზ ლომია: „სენაკში შეჩერებული სამუშაოები არ გვაქვს,,

დასაწყისი 20-5 გვ.

სენაკის მუნიციპალიტეტის გამგეობის სივრცითი მოწყობის, არქიტექტურის, ინფრასტრუქტურის, მშენებლობისა და ზედამხედველობის სამსახურის უფროსის ვახტანგ ფაცაციათს თქმით, 2018 წელს სენაკში არც ერთი ქუჩა არ დარჩება გაუკეთებელი. ჩვენი ბიუჯეტი 12 000 000 ლარია, აქედან ადგილობრივი ბიუჯეტი მხოლოდ 2 000 000 ლარია, 10 000 000 ლარი მთლიანად ტრანსფერია. რაც შეეხება ასფალტობენის საფარის სარეაბილიტაციო სამუშაოების ჯამურ ღირებულებას, ამ სამუშაოებს ელექტრონულ ტენდერში გამარჯვებული „არქიტოპოლისი“ ასორციელებს და შეადგენს 1 535 777 ლარს. ასევე ხორციელდება მრავალსართულიანი კორპუსების ეზოს კეთილმოწყობა, სანიღვრე არხების აღდგენა და ბორდიურების მოწყობა, რომლის ღირებულება 242 642 ლარს შეადგენს. სამუშაოებს შპს „ოსო“ ასორციელებს. სამუშაოებზე დასაქმებულია 17 ადგილობრივი მცხოვრები. ახალგაიური პროექტი განხორციელდება ვანაძის ქუჩაზე არსებული მრავალსართულიანი კორპუსების ეზოებშიც. აღსანიშნავია, რომ 2013 წლიდან დღემდე, ქალაქის მასშტაბით, კეთილმოწყობა 40 მრავალსართულიანი კორპუსის ეზო. თეკლათის თემში სასაფლაოსთან მეწყერმა ჩამოშალა მიწა და სამი საფლაოი თან ჩაიტანა. მეყინთავეები ჩამოიყვანეთ, რომ გარდაცვლილები მოექცნათ. გაკეთდა კედელი, რომლის ღირებულება 100 000 ლარი იყო.



როგორც გავარკვეით სარეაბილიტაციო სამუშაოები უტარდება სამხატვრო გალერეას, რომელსაც რეგიონული განვითარების ფონდი აფინანსებს და რომლის მთლიანი ღირებულება შეადგენს 126 080 ლარს. პროექტის ფარგლებში რეაბილიტირდება შენობის შიდა ინტერიერი, განახლდება ფასადი, დამონტაჟდება სამუხეუმო განათების, გათბობისა და კონდიციონერების თანამედროვე სისტემები. ამ ეტაპზე მიმდინარეობს შენობის ორივე სართულზე არსებული სამუშაო სივრცეებისა და სადემონტრაციო დარბაზების სრული რეაბილიტაცია. პარალელურად, იცვლება ელექტროგაყვანილობის და წყალმომარაგების ქსელები, იატაკი, ჭერი და კარ-ფანჯრები. აღნიშნულ სამუშაოზე დასაქმებულია ასევე ადგილობრივი 25 ადამიანი. სამუშაოები მიმდინარე წლის

მაისში დაიწყო და აგვისტოში დასრულდება. მშენებლობის სამსახურის უფროსის თქმით, ქალაქში ეტაპობრივად მიმდინარეობს სამუშაოები და სამუშაოების სირთულიდან გამომდინარე, ცდილობენ, ყველა სფერო მოიცვან: „ვეცილობთ. შეძლებისდაგვარად. ყველა სფეროს მიხედვით, მაგალითად. ძველ სენაკში დანერგული იყო 22-ამდე ხიდ-ბოგირი, აქედან რვას უკვე ჩაუტარდა სარეაბილიტაციო სამუშაოები. დანარჩენებსაც თანხის მიხედვით ვაკეთებთ. როგორც თანხა შემოდის იმის მიხედვით ვახდენთ რეაბილიტაციას. რუსთაველის გზას უტარდება რეაბილიტაცია, მოხდება ქუჩის გაფართოება, გაკეთდება წრიული, დაიგება ქვანახევრები, გაკეთდება განათებები. შენდება ორი ახალი ორსართულიანი, თანამედროვე ტიპის საბავშვო ბაღი, რომელიც ბაღების შესახებ ახალი კანონის თანახმად, მოთხოვნილ სტანდარტებს დააკმაყოფილებს“.

ფოთში იროდი ტიკარაძის სახელობის პარსკვლავი გაიხსნა

მარი ჯაფანიანი ფოთი

ფოთში იროდი ტიკარაძის დაბადების 75-ე და შემოქმედებით მოღვაწეობის 50-ე წელი აღინიშნა. ხელოვნების ქურუმისა და ფოთის საპატიო მოქალაქის საიუბილეო საღამო ფოთის ვალერიან გუნიას სახელობის სახელმწიფო დრამატულ თეატრში გაიმართა. საღამოს იროდი ტიკარაძის ხელოვნების თაყვანისმცემლის, მეგობრების, მოსწავლეებისა და ადგილობრივი ხელისუფლების გარდა საპატიო სტუმრები

ფოთისა და ხობის მიტროპოლიტი მეუფე გრიგოლი, საქართველოს ხელოვნების დამსახურებული მოღვაწეები ანზორ ერქომაიშვილი, ჯემალ ჭკუასელი, რამინ მიქაბერიძე და სხვა მოწვეული სტუმრები ესწრებოდნენ. ფოთის ცენტრალური პარკის მიმდებარე ტერიტორიაზე სახეიმოდ გაიხსნა იროდი ტიკარაძის სახელობის ვარსკვლავი. იროდი ტიკარაძის საიუბილეო საღამო ქალაქ ფოთის მუნიციპალიტეტის ორგანიზებით მოეწყო. ფოთის ვალერიან გუნიას სახელობის სახელმწიფო დრამატულ თეატრშივე გაიმართა იროდი ტიკარაძისადმი მიძღვნილი წიგნის პრეზენტაციაც



„თითოეული ბავშვით ვაპაყობ...,, „ანაბელას,, „თოლიაბი,, ზეივით გამოეთხოვნენ

მარი ჯაფანიანი ფოთი

ფოთში 1 საბავშვო ბაღ „ანაბელაში“, ჯგუფმა „თოლიებმა“ საბავშვო ბაღის დამთავრება და ცხოვრების ახალ ეტაპზე გადასვლა ზეივით აღნიშნეს. ღამაზ კოსტუმებში გამოწყობილმა გოგო-ბიჭებმა შესანიშნავად წარმოაჩინეს ხუთი წლის განმავლობაში დაგროვილი ცოდნა და ამ ზეივით მადლობა აღმზრ-

დებებს გადაუხადეს. საზეიმო განწყობა მოწვეულ სტუმრებსა და მშობლებს საბავშვო ბაღის ჭიშკრის შემოღებით მოწვობილი ეზოსა და ბაღის შენობაში ყვავილების უმშვენიერესი ბილიკი ბაღის მუსიკალურ დარბაზში ზღაპრულ სამყაროს ქმნიდა. სწორედ ასე უწოდა ერთ-ერთმა მშობელმა ღია კონცეფციუმ პატარების ზეიმს: „ეს არის ზღაპრული სამყარო, სადაც პატარებმა

და ბაღის თანამშრომლებმა გვასეირნეს. უსაზღვროდ მადლობელი და კმაყოფილი ვარ ამ ზეიმით და ამაცინებ, რომ ასეთი ნიჭიერი თაობები გვეზრდება“. ღონისძიების დაწყების წინ აღმზრდელ-მასწავლებლებმა ნატო ქობალავამ და ქეთი ქაჯაიამ, ფატიმა შონიამ და საბავშვო ბაღის გამგე ლალი კორტავამ პატარებს ცხოვრების გზა დაულოცეს, წარმატებები უსურვეს და დარბაზში შეუძღვნენ. სცენაზე ერთმანეთს ცვლიდა პატარების მიერ ნამდერი სიმღერები, ქართული ცეკვების პოპური თუ ევროპული ცეკვები. განსაკუთრებული ხალისი ბავშვების მიერ შესრულებულმა „ლაამბადამ“ გამოიწვია. ზეიმის ბოლოს პატარებს საბავშვო ბაღის დამთავრების მოწმობები გადაეცათ. ღონისძიება ფეიერვერკით დასრულდა, რამაც პატარები განსაკუთრებით გაახალისა. ღონისძიებით ყველზე კმაყოფილი აღსაზრდელების მშობლები დარჩნენ.

ბაღის კურსდამთავრებულებს სკოლისაკენ გზა სკოლამდელი დაწესებულებების გაერთიანების უფროსმა მარგო ჯანუაშვილმაც დაულოცა: „დავამთავრეთ სსსწავლო წელი, სკოლაში გავაცილეთ 21 ჯგუფის 600 ბავშვი, იმედია, ჩვენი ბავშვები სკოლაშიც გაამართლებენ და კარგად ისწავლიან, რადგან ჩვენ სასკოლო მზაობის პროგრამა გავიარეთ. მივეცით ბავშვებს ის უნარები, რაც სკოლისათვის სავალალოა. ეს იყო საზეიმო დღეების დახურვა. მინდა, ყველა საბავშვო ბაღის გამგეს, პედაგოგებსა და ტექნერსონალს გულთბილი მადლობა გადაუხადო. ვუსურვო მომავალი წარმატებები, წინსვლა, კვლავაც ბევრი ნიჭიერი პატარის აღზრდა, ბავშვებს კი გზა დაულოცოთ ცხოვრების ახალ ეტაპზე. ბედნიერი გზა ქონო-

დეთ სკოლისაკენ“. როგორც ზემოთ აღვნიშნეთ, მშობლები აღფრთოვანებულნი დარჩნენ საკუთარი შვილების ასეთი ნიჭიერებითა და ცოდნით: „რასაც ველოდი, იმაზე უკეთესი იყო. მადლობა მასწავლებლებს ამ დღისათვის. ძალიან ღამაზე იყვნენ, ყველას წარმატებულ სწავლას ვუსურვებ“- დალოცა პატარები ლალი ჭანკვეტაძემ. საბავშვო ბაღის გამგე ლალი კორტავაც სიამოვნებას და სიამაყეს გრძობდა თავისი აღსაზრდელების გამო: „ნამდვილი მარგალიტები არიან, ღვთით დალოცვილებს გაველოთ ცხოვრების გზა. წარმატება ცხოვრებულ სწავლაში და ესახელებინოთ თავიანთი ბაღი. ჩვენ ჩვენი ძალა, ენერჯია და ცოდნა არ დავიშურეთ მათთვის, ვფიქრობ კარგი საფუძველი აქვთ და ვიმედოვნებ სკოლაშიც წარმატებულები იქნებიან და მთელ ცხოვრებაშიც“. პედაგოგებმა მადლობა მშობლებსაც გადაუხადეს თანადგომისათვის. მუსუკის მასწავლებელმა მანანა ქობალავამ როგორც აღნიშნა: „მადლობა მინდა ვუთხრა მშობლებს გვერდში დგომისთვის. ამის გარეშე ჩვენ ვერაფერს შევძლებდით“. ნინო გაბელიას აზრით კი „ყველაზე მაგარი ზეიმი იყო, როგორც მშობელი, თითოეული ბავშვით ვაპაყობ“.



საერთაშორისო ტურნირი კრივში

რამდენიმე დღის წინ ბაქოში ჩატარდა გალიევის საერთაშორისო ტურნირი ჭაბუკ მოკრივეთა შორის, სადაც მონაწილეობას ღებულობდნენ:

აზერბაიჯანის ჭაბუკთა ნაკრები თითო წონაში 3 კაციანი შემადგენლობით. საქართველოს ჭაბუკთა ნაკრები, კახახეთის ჭაბუკთა ნაკრები, უზბეკეთის ჭაბუკთა ნაკრები, ტაჯიკეთის ჭაბუკთა ნაკრები, ირანის ჭაბუკთა ნაკრები უნგრეთის ჭაბუკთა ნაკრები, უკრაინის ჭაბუკთა ნაკრები, რუსეთის ჭაბუკთა ნაკრები გუნდები.

ტურნირზე მიღებული შედეგები ასე გამოიყურება: კრივის სასპორტო სკოლის მოკრივემ ლადო ლომაიამ (60კგ)- (პირადი მწ-რ.ქიქავა) მოიპოვა მე-2 ადგილი და შესაბამისად ვერცხლის პრიზორი გახდა.



ჭადრაკი სკოლაში

სსიპ ესტატე შუშანიას სახელობის ხობის მუნიციპალიტეტის სოფელ პირველი მაისის საჯარო სკოლაში (დირექტორი-კობა კვიციანი) ჩატარდა საჭადრაკო ტურნირი მესამე კლასის მოსწავლეთა შორის.

საბოლოო შედეგები -

გოგონები:

- 1. ირინა ბუკია - 10 ქულა (12 შესაძლებელიდან);
- 2. სუზანა გაბისონია - 9,5 3;
- თეკო ბუკია - 8,5;
- 4. სოფო გვალია - 7,5

ბიჭები:

- 1. საბა საბახტარაშვილი - 8 2-4;
 - დაჩი თოდუა - 6,5;
 - გიორგი კვიციანია - 6,5;
 - კოტე გაბრავა - 6,5
- შიდა სასკოლო ჩემპიონატი ჭადრაკში II და III კლასის მოსწავლეებს შორის ასევე სსიპ მარტვილის მუნიციპალიტეტის სოფელ ნახუნაოს საჯარო სკოლის მასწავლებლის დავით პირტახიას ინიციატივით ჩატარდა.

ღებულების შესაბამისად ტურნირი გაიმართა წრიული სისტემით და მონაწილეებმა დააგროვეს: სიგუა ლუკამ და ფირცხალავა გიულიმ 5-5 ქულა, სართანია საბამ და ძიძიგური მარიკამ 4-4 ქულა, ცანავა ცოტნემ 2 ქულა, ჯეჯელავა ანამ 1 ქულა და კახათელიძე ნინო 0 ქულა.



სპორტი ფოთელი ძიულოისტების ნარმატება

რამდენიმე დღის წინ ქარელში ჩატარდა მსოფლიო ჩემპიონის მალხაზ ბერუაშვილის სახელობის რესპუბლიკური ტურნირი ძიულოში, სადაც ფოთელმა სპორტსმენებმა წარმატებით იასპარეხეს:

ელიზბარ თურქია - I ადგილი, 55 კგ წონითი კატეგორია

ბექა სანაია - III ადგილი, 73 კგ წონითი კატეგორია

ვიტალი ქაქუთია - III ადგილი, 60 კგ წონითი კატეგორია

მწვრთნელები კოტე ხუბუტია, ზური ძაძაძია.



ბავშვთა ფესტივალი და 7 კაცა რამბოში

რამდენიმე დღის წინ ჩაქვში ჩატარდა ბავშვთა ფესტივალი 2005-2006 წ.წ. დაბადებულთა შორის, სადაც მონაწილეობდა ფოთის გუნდი „კოლხი რაინდები“, რომელმაც დიდი წარმატება მოიპოვა.

ასევე აბაშაში ჩატარდა ბავშვთა ფესტივალი 2007-2008 წ.წ. დაბადებულთა შორის, სადაც ფოთის გუნდმა წარმატებით იასპარეხა.

იმავე დღეს პარალელურად გორში ჩატარდა 7-კაცა რამბო 2003-2004 წ.წ. დაბადებულთა შორის, სადაც „კოლხმა რაინდები“-მა 6 თამაშიდან 5 თამაში მოიგეს.

წარმატებას ვუსურვებთ მომავალში ფოთის გუნდს.



საბა ხვიჩავა ბელარუსიის ჩემპიონატში პირველი ადგილის მფლობელია

გასულ კვირას ბელარუსიის ქალაქ გროდნოში ჩატარდა ბელარუსიის ჩემპიონატი 2000-2001 წ.წ. დაბადებულთა შორის, სადაც ფოთელმა მძლეოსანმა საბა ხვიჩავამ 2000 მ. წინააღმდეგობით რბენაში დაიკავა I ადგილი შედეგით 6 წთ.02 წმ., ხოლო 800 მ. რბენაში - II ადგილი შედეგით 1 წთ. 57 წმ.

მწვრთნელი ჯეირან ხოფერი.

მაიონეზი თმას აკანსალებს



მაიონეზი გიყვართ და არაფრით ეთანხმებით იმ აზრს რომ ეს პროდუქტი მავნეა ორგანიზმისთვის?...დასამშვიდებლად გეტყვით, რომ მაიონეზი უდავოდ სასარგებლოა თქვენი თმისთვის, მითუმეტეს თუ ის ზამთრის სიცივისგან ან ხშირი ღებვისგან გამომშრალი და დაზიანებულია...მაიონეზის ნიღაბი, რომლის რეცეპტსაც ახლა გაგიმხელთ ნებისმიერი ტიპის თმას მოუხდება, თუმცა ნორმალური და ცხიმოვანი თმის მქონე თავზე ის მხოლოდ ორ თვეში ერთხელ უნდა დაიდოს...

- ნიღბის მოზმადება ძალიან ადვილია, დაგჭირდებათ:
- ერთი ქილა ზეთისხილიანი მაიონეზი;
- ერთი კვერცხის გული;
- ერთი ცალი ერთჯერადი ცელოფანი;
- თბილი პირსახოცი;
- 1. კარგად დაივარცხნეთ დასაბანი თმა და გაყავით ის რამდენიმე ნაწილად.
- 2. პატარა ჯამში ათქვიფეთ ზეთისხილიანი მაიონეზი და კვერცხის გული.
- 3. საგანგებოდ შეიზილეთ მიღებული მასა ჯერ თმის ძირებში, შემდეგ კი მთელ სიგრძეზე.

- 4. აიკეცეთ თმა და მჭიდროდ შემოიხვეით ერთჯერადი ცელოფანი.
 - 5. ცელოფანის შემდეგ, თავზე მოიხვეით თბილი პირსახოცი.
 - 6. ნიღბის ჩამობანა გრილი წყლით დაიწყეთ შემდეგ კი ჩვეული ტემპერატურის წყლით და შამპუნით დაიბანეთ.
- მშრალი თმის შემთხვევაში, რეკომენდირებულია ამ ნიღბის მაქსიმალურად დიდი დროით გაჩერება. ნორმალური თმიდან ნიღაბი ორ საათში უნდა ჩამოიბანოს. ცხიმოვანი თმაზე კი ერთ საათზე დიდხანს არ გაიჩეროთ.

მოვლილი ხელები ქალის სახე

ალბათ, დამეთანხმებით, რომ ხელები ქალისთვის ერთ-ერთი საინტერესო ბარათია. თითქმის ყველა ზეგნებიანი ოცნებობს ნახ კანსა და ნატიფ თითებზე... ღამაზე ხელებს განსაკუთრებული მოვლა და ყურადღება სჭირდება. მითუმეტეს თუ გაკეთვალისწინებთ რამდენიმე საოჯახო ან სამსახურის საქმის შესრულებას გვიწევს, ყოველდღიურად...ბაქტერიების ყველაზე დიდი რაოდენობაც სწორედ ხელებზე განსაკუთრებით კი ფრჩხილებში იყრის თავს. ფრჩხილებთან დაკავშირებით, უამრავი სხვა საზრუნავიც გვაქვს: ჯანმრთელი ფრჩხილები უნდა იყოს მკვრივი, ელასტიური და ვარდისფერი. ხშირად ფრჩხილების დაზიანება ჯანმრთელობის სხვადასხვა პრობლემაზეც მიგვითითებს. ფერის ცვალებადობა შესაძლოა გამოიწვიოს საკვებმა, არასწორმა მოვლამ ან რომელიმე კონკრეტულმა საქმიანობამ. აუცილებელია ფრჩხილების ვიტამინებით მუდმივი კვება.

ვიტამინი — საჭიროა ფრჩხილის ზრდისა და სიმაგრისთვის. მას შეიცავს ლეიკი, მწვანილი, პომიდორი, სტაფილო. ვიტამინი — ეხმარება ცილების გამოყენებასა და ზრდაში. ის ბლომად გვხვდება კომბოსტოში, კვერცხის გულსა და ხორბალში. იოდი - სასარგებლოა ფრჩხილის ზრდისათვის. მას შეიცავს შპინატი და ზღვის კომბოსტო. კალცი - უზრუნველყოფს რჩილების სიმაგრეს. ბლომად გვხვდება რძის პროდუქტში. მანიკურის გაკეთება რეკომენდირებულია ორ კვირაში ერთხელ. არ არის სასურველი მუდამ ლაქიანი ფრჩხილების ქონა. კარგი იქნება პერიოდულად თუ დაასვენებთ ორ-ორი დღით. ფრჩხილებიდან სიყვითლის მოშორება ლიმონის პატარა ნაჭრებით შეგიძლიათ. ის იმავდროულად გაგიმაგრებთ სტრუქტურას. ზეთუნის ზეთში აურით ლიმონის რამდენიმე წვეთი და გაუკეთეთ თქვენს ფრჩხილებს 10-20 წუთიანი აბაზანა. ეს დაგეხმარებათ მათ გამაგრებაში. ხელები რომ არ გაგიუხეშდეთ და გამოგიშრეთ ნუ დაიბანთ მათ ზედმეტად ცხელი ან ცივი წყლით. ხელის კანის სირბილისა და ელასტიურობისათვის შეგიძლიათ ჩაიტაროთ შემდეგი აბაზანები: 2 ლიტრა თბილ წყალში გახსენით 1 ჩაის კოვზი ნიშადურის სპირტი ან 1 სუფრის კოვზი გლიცერინი. პროცედურის ხანგრძლივობაა 15-30 წუთამდე და შეგიძლიათ გაიმეოროთ 10-15 დღის განმავლობაში, ყოველდღიურად. ხელახალი კურსის დაწყება ერთი თვის შემდეგაა სასურველი. ჯანმრთელ ხელებს და სილამაზეს გისურვებთ!



<p>გაზეთის ხელმოწერა საქურაღლებოდ! ერთი ნომრის ღირებულება ორგანიზაციებისთვის 1 წლით - 50 ლარი 6 თვეთ - 25 ლარი 3 თვეთ - 12,50 ლარი კარდაკარის პრინციპით გაზეთის გამოწერა მოქალაქეებისთვის 3 თვეთ - 6 ლარი იკითხეთ გაზეთი თემატიკური</p>	<p>გაზეთი „მთავარი თემა სამეგრელოში“ სამუშაოდ იწვევს სამეგრელოს რეგიონიდან ყველა ასაკის მქონე ალაშიანებს გაზეთის გამავრცელებლად და სარეკლამო აგენტებად კანდიდატების შერჩევა მოხდება გასაუბრებით. მოგვმართეთ შედეგ მისამართზე: ფოთი წმ. ნინოს ქუჩა 3/19 ტელეფონი: 599 34 14 17</p>	<p>გაზეთი „მთავარი თემა სამეგრელოში“ სტაჟირებაზე იწვევს სტუდენტებს, ახალგაზრდებს რომელთაც სურთ მიიღონ გამოცდილება ქურნალისტიკაში წარმატებული სტაჟირობები დასაქმებუნიან გაზეთში. დაინტერესებულმა პირებმა მოგვმართეთ მისამართზე: ფოთი წმ. ნინოს ქუჩა 3/19 ტელ: 599 34 14 17</p>
--	--	--

ისარგებლეთ გაზეთი „მთავარი თემა სამეგრელოში“ შედეგითიანი მომსახურებით, განათავსეთ გაზეთში განსხვავებული რეკლამები, მიღოსვანი. ოჯახის სამეგრელოში განსხვავებული მიღოსვანი- ჩვეულებრივი შრიფტით - ერთი ასო 5 თეთრი, სქელი შრიფტით - 7 თეთრი, პირველ გვერდზე - ორგანიზაციის, სურათიანი განსხვავებული: სამეგრელოში - 15 ლარი, მიღოსვანი - 10 ლარი, არაპოლიტიკური რეკლამა: მესამე გვერდზე - მთლიანი გვ. (100სმ2)-150 ლარი, ნახევარი (500 სმ2) - 75 ლარი; მეოთხედი (250სმ2)- 37.50 ლარი; მეხუთე გვერდზე: მთლიანი გვ. -130 ლარი; ნახევარი - 65 ლარი; მეოთხედი 32.50 ლარი. პირველ გვერდზე რეკლამა ხუთჯერ ძვირია, ვიდრე მესამე გვერდზე, ბოლოში - სამჯერ ძვირია ვიდრე მესამე გვერდზე. პოლიტიკური რეკლამის ღირებულება ორგანიზაციის მკაცრად რეგულირდება და ხელმოწერაზე გათვალისწინებულია ფასდაკლება. გაზეთის გამოცემის მსურველებმა მიმართეთ სამეგრელოს რეგიონალური გამოსაქმის ოფისს. ქ. ფოთი, წმ. ნინოს ქ.3/ 2 ტელ: 0(493) 22-40-50; 5(99) 34 14 17.

თემატიკური თქვენი პრობლემების კვლადაკვალ

ნიშნით აღნიშნული სტატიები იბეჭდება რეკლამის უფლებით.